

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14)

1. **„IMTEC“ d.o.o. SARAJEVO**, Bosanski put bb, 71380 Ilijaš, identifikacioni broj: 4200918780002, PDV broj: 200918780002 zastupan po direktorici Safiji Hadžić s jedne strane (u daljnjem tekstu: dobavljač) i
2. **JU OSNOVNA ŠKOLA „HADŽIĆI“ HADŽIĆI**, Zlatnih ljiljana 57, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: Ugovorni organ),

zaključili su dana 31.12.2019. godine

UGOVOR O NABAVCI ELEKTRONSKE OPREME

Član 1.

Predmet ovog Ugovora je nabavka i isporuka sljedeće *elektronske opreme*: projektor, rezolucija 800x600 piksela/osvjetljenje 3600 lumena - 3 komada; projektor, rezolucija 1200x800 piksela/osvjetljenje 4500 lumena – 1 komad; multifunkcionalni aparat za kopiranje, printanje, skeniranje – 1 komad i ostala popratna oprema (u daljem tekstu: ELEKTRONSKA OPREMA) na osnovu prihvaćene Ponude/Predračuna ponuđača „Imtec“ d.o.o.Sarajevo broj: 04453/19-2 od 30.12.2019. godine koja je sastavni dio ovog Ugovora i Odluke o direktnom sporazumu broj: 1569/2019 od 31.12.2019. godine.

Član 2.

Vrijednost ove nabavke iznosi **3.915,46 KM** (slovima: trihiljadedevetstotinapetnaest i 46/100 konvertibilnih maraka) bez PDV-a, odnosno **4,581,09 KM** (slovima: četirihiljadepetstotinaosamdesetjedna i 09/100 konvertibilnih maraka) sa PDV-om.

Dobavljač se obavezuje da će elektronsku opremu isporučiti ugovornom organu u roku od 15 dana od dana izvršene uplate novčanih sredstava iz prethodnog stava.

Ugovorni organ se obavezuje isplatiti cijenu u iznosu navedenom u stavu (1) ovog člana u roku od 30 dana od dana potpisivanja ovog ugovora

Dobavljač je dužan isporučiti elektronsku opremu u ispravnom stanju na adresu: JU Osnovna škola „Hadžići“, Zlatnih ljiljana 57, 71240 Hadžići i garantovati za njenu funkcionalnost 24 mjeseca od dana isporuke (osim za proizvode 4. i 5. iz Ponude)

Član 3.

Do isporuke elektronske opreme rizik slučajne propasti ili oštećenja iste snosi dobavljač.

Isporukom elektronske opreme rizik prelazi na ugovorni organ.

Rizik ne prelazi na ugovorni organ ako je on zbog nedostataka na isporučenoj elektronskoj opremi raskinuo ugovor ili tražio njenu zamjenu.

Ako isporuka elektronske opreme nije izvršena zbog zakašnjenja dobavljača, rizik prelazi na dobavljača u trenutku kada je pao u zakašnjenje.

Član 4.

Dobavljač odgovara za materijalne nedostatke elektronske opreme u periodu od 24 mjeseca od dana njene isporuke (osim za proizvode 4. i 5. iz Ponude)

Materijalni nedostaci na elektronskoj opremi postoje:

- ako nema potrebna svojstva za njenu redovnu upotrebu,
- ako nema svojstva i odlike koje su izričito ili prešutno ugovorene, odnosno propisane,
- ako je dobavljač isporučio elektronsku opremu koja nije odgovarajuća uzorku ili modelu, osim ako je uzorak ili model pokazan samo radi obavještenja.

Član 5.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 6.

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 7.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 8.

Ugovorne strane primaju prava i obveze iz ovog Ugovora, te ga u znak toga potpisuju.

DOBAVLJAČ

/Safija Hadžić /

Broj: _____

Datum: _____

UGOVORNI ORGAN

/Denana Alispahić, prof./

Broj: 1569-1/2019

Datum: 31.12.2019. godine